

SKUPŠTINA HERCEGOVAČKO- NERETVANSKOG KANTONA

346

Na osnovu člana 39. Ustava Hercegovačko-neretvanskog kantona („Službene novine HNK“, broj: 2/98, 4/00 i 7/04), Skupština Hercegovačko-neretvanskog kantona, na sjednici održanoj dana 29.10.2008. godine, je donijela

Z A K O N O IZMJENAMA I DOPUNAMA ZAKONA O JAVNOM PRAVOBRANILAŠTVU HERCEGOVAČKO-NERETVANSKOG KANTONA

Član 1.

U Zakonu o javnom pravobranilaštvu Hercegovačko-neretvanskog kantona («Službene novine HNK», broj: 8/99, i 3/04) član 7. mijenja se i glasi:

„U javnom pravobranilaštvu u ravnopravnoj upotrebi su jezici i pisma konstitutivnih naroda.“

Član 2.

Član 9. mijenja se i glasi:

„Propisi kojima se uređuje radno-pravni status državnih službenika i namještenika u organima državne službe i propisi o naknadama i drugim materijalnim pravima koja nemaju karakter plaće, shodno se primjenjuju na službenike i namještenike – zaposlenike u javnim pravobranilaštvima Kantona i jedinicama lokalne samouprave.“

Član 3.

Iza člana 11. dodaje se novi član 11. a koji glasi:

„Član 11. a

Ako pravobranilaštvo smatra da ne treba pokrenuti određeni postupak ili da treba povući tužbu ili da ne treba koristiti određeni pravni lijek, izvijestiti će o tome subjekt koji zastupa.

Ako se ne postigne pismena saglasnost u mišljenju ili ako subjekt ne odgovori u ostavljenom roku, konačnu odluku donosi pravobranilaštvo i o tome izvještava subjekt koji zastupa.“

Član 4.

U članu 19. stav 4. iza riječi: „pokretna stvar“ dodaju se riječi: „ili imovinsko pravo čija vrijednost ne prelazi 5.000,00 KM.“

Član 5.

Iza člana 20. dodaje se novi član 20. a koji glasi:

„Član 20. a

Pravobranilac i zamjenici pravobranioca ne mogu biti krivično odgovorni ili lišeni slobode zbog iskazanog mišljenja ili odluke donesene u vršenju funkcije.“

Član 6.

U članu 28. stav 1. mijenja se i glasi:

„Pravobranilac se imenuje na period od četiri (4) godine.“

U članu 28. iza stava 3. dodaju se novi stavovi 4. i 5. koji glase:

„Konkurs za izbor pravobranioca raspisuje se šest (6) mjeseci prije isteka mandata pravobranioca.

Ukoliko do isteka mandata pravobranioca ne bude okončan postupak izbora po konkursu, isti nastavlja obavljati dužnost do okončanja postupka izbora.“

Član 7.

Član 33. mijenja se i glasi:

„Postupak za smjenjivanje pravobranioca ili zamjenika od vršenja službe pokrenut će se ako se utvrdi:

- da je osuđen za krivično djelo koje ga čini nedostojnim vršenja dužnosti,

- da je izvršio težu povredu dužnosti, odnosno ugleda,

- da je neuredno i nekvalitetno obavljao službu,

- da je na osnovu mišljenja nadležne zdravstvene ustanove utvrđeno da je trajno

izgubio radnu sposobnost za vršenje službe.

Kantonalnog pravobranioca i njegovog zamjenika smjenjuje Vlada Kantona na prijedlog Ministarstva pravosuđa, uprave i lokalne samouprave. Odluku o smjeni potvrđuje Skupština Kantona koja donosi konačnu odluku. Javnog pravobranioca jedinice lokalne samouprave smjenjuje nosilac izvršne vlasti uz potvrdu vijeća koje donosi konačnu odluku.

Prije donošenja konačne odluke Skupštine Kantona, odnosno vijeća, pravobranilac i zamjenik mogu se izjasniti o razlozima smjenjivanja.“

Član 8.

U članu 34. stav 1. ispred riječi: „udaljen“ dodaje se riječ: „privremeno“.

Stav 2. briše se.

U stavu 3. i 4. ispred riječi: „udaljenju“ dodaje se riječ: „privremenom“.

Dosadašnji stavovi 3. i 4. postaju stavovi 2. i 3.

Član 9.

U članu 42. iza stava 1. dodaje se novi stav 2. koji glasi:

„Na obrazloženi zahtjev pravobranilaštva u budžetu Kantona, odnosno jedinica lokalne samouprave osiguravaju se posebna sredstva za troškove vještačenja u sudskim sporovima i ista godišnje ili u mjesečnim tranšama stavljaju na raspolaganje pravobranilaštvu.“

Dosadašnji stav 2. postaje stav 3.

Član 10.

U članu 43. dodaje se novi stav 2. koji glasi:

„Vlada Kantona, odnosno općinski načelnik, odnosno gradonačelnik uz saglasnost vijeća, posebnim propisima utvrđuju koeficijente za plaću pravobranioaca i njegovih zamjenika, a za naknade i druga prava koja nemaju karakter plaće primjenjuju se propisi koji važe za državne službenike.“

Član 11.

Ovaj Zakon stupa na snagu osmog dana od dana objavljivanja u «Službenim novinama Hercegovačko-neretvanskog kantona».

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
S K U P Š T I N A

Broj: 02-01-XIV-135/08
Mostar, 29.10.2008. godine

PREDSJEDAVAJUĆI
Ramiz Jelovac, s.r.

347

Na osnovu člana 39. Ustava Hercegovačko-neretvanskog kantona („Službene novine HNK“, broj: 2/98, 4/00 i 7/04), Skupština Hercegovačko-neretvanskog kantona, na sjednici održanoj dana 29.10.2008. godine, je donijela

Z A K O N
O IZMJENAMA ZAKONA O NABAVLJANJU,
DRŽANJU
I NOŠENJU ORUŽJA I MUNICIJE

Član 1.

U Zakonu o nabavljanju, držanju i nošenju oružja i municije («Službene novine HNK», broj: 3/00), u

članu 66. stav 1. riječi: „ili kaznom zatvora do 60 dana“ brišu se.

U članu 66. stav 2. riječi: „ili kazne zatvora“ brišu se.

Član 2.

U članu 67. stav 1. riječi: „ili kaznom zatvora do 30 dana“ brišu se.

U članu 67. stav 2. riječi: „ili kazne zatvora“ brišu se.

Član 3.

U cjelokupnom tekstu Zakona o nabavljanju, držanju i nošenju oružja i municije riječi: „ministar i njegov zamjenik“ zamjenjuju se riječju: „ministar“, a riječi: „ministar u saglasnosti sa svojim zamjenikom“ zamjenjuju se riječju: „ministar“.

Član 4.

Ovaj Zakon stupa na snagu osmog dana od dana objavljivanja u «Službenim novinama Hercegovačko-neretvanskog kantona».

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
S K U P Š T I N A

Broj: 02-01-XIV-143/08
Mostar, 29.10.2008. godine

PREDSJEDAVAJUĆI
Ramiz Jelovac, s.r.

348

Na osnovu člana 39. Ustava Hercegovačko-neretvanskog kantona („Službene novine HNK“, broj: 2/98, 4/00 i 7/04), Skupština Hercegovačko-neretvanskog kantona, na sjednici održanoj dana 13.11.2008. godine, je donijela

Z A K O N
O IZMJENI I DOPUNI ZAKONA O
PRIPADNOSTI JAVNIH PRIHODA
HERCEGOVAČKO-NERETVANSKOG
KANTONA

Član 1.

U Zakonu o pripadnosti javnih prihoda Hercegovačko-neretvanskog kantona («Službene novine HNK», broj: 4/00, 1/04, 5/04 i 2/06) u poglavlju III, odjeljku I, u članu 6. u tački 3. (osnovnog teksta)